

Delegat Mehmed Bradarić postavio je delegatsko pitanje i uputio dvije delegatske inicijative.

Pitanje upućeno Ministarstvu finansija i trezora BiH i Generalnom sekretarijatu Vijeća ministara BiH glasi:

„Tražim od Ministarstva finansija i trezora BiH odgovor na sljedeća pitanja:

1. Navesti koje su institucije i koliko je osoba po institucijama ostvarilo pravo na dodatak na osnovu člana 26. stav 1. tačka b) alineja 8) Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/08, 75/08, 32/12, 42/12, 50/12), koliko se godišnje izdvaja sredstava po institucijama za ove namjene, kao i koliko je sredstava do sada isplaćeno?
2. Da li se u budžetu za prethodne godine vršilo planiranje sredstava za navedeni dodatak i za koje institucije/agencije?
3. Da li su planirana sredstva za navedeni dodatak u institucijama/agencijama za prethodne godine, čije su odluke o dodatku na plaću na osnovu obavljanja složenih informatičko-aplikacijskih poslova dostavljene, a nisu razmatrane i usvojene na sjednici Vijeća ministara BiH?
4. Da li su planirana sredstva u budžetu za 2013. godinu za navedeni dodatak? Ako jesu, za koje institucije/agencije?

Tražim od Generalnog sekretarijata Vijeća ministara BiH odgovor na sljedeća pitanja:

1. Od kojih su institucija/agencija prijedlozi odluka o dodatku na plaću na osnovu obavljanja složenih informatičko-aplikacijskih poslova razmatrane i usvojene, kao i datume dostavljanja i usvajanja pojedinačnih odluka od strane Vijeća ministara BiH?
2. Koje su institucije dostavile Vijeću ministra BiH na razmatranje i usvajanje prijedloge odluka o dodatku na plaću, na osnovu obavljanja složenih informatičko-aplikacijskih poslova koji se odnose na održavanje i razvoj upravljačkih aplikacija u institucijama BiH, a koje nisu razmatrane na sjednici Vijeća ministara BiH, s pojedinačnim datumima dostavljanja prijedloga odluka?

3. Zašto nisu svi dostavljeni prijedlozi odluka o dodatku na plaću na osnovu obavljanja složenih informatičko-aplikacijskih poslova stavljeni na dnevni red sjednice Vijeća ministara BiH?
4. Zašto se sve institucije/agencije i državni službenici po ovom pitanju ne tretiraju jednako, za koje važi isti zakonski osnov član 26. stav 1. tačka b) alineja 8) Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/08, 75/08, 32/12, 42/12, 50/12)?
5. Na koji će način državni službenici, koji su diskriminirani po pitanju ovog dodatka, koji proističe iz Zakona, moći ostvariti svoje pravo, kao i naknadu za protekli period, u kojem su jedni državni službenici po istom osnovu primali dodatak, dok su drugi službenici ostali bez njega?“

Prva inicijativa upućena je Kolegiju Doma naroda Parlamentarne skupštine BiH i glasi:

„Inicijativa za utvrđivanje orijentacionog plana Doma naroda za jednogodišnji period, odnosno za kalendarsku 2013. godinu.“

Druga inicijativa, upućena kolegijima oba doma Parlamentarne skupštine BiH, glasi:

„Inicijativa za razmatranje po hitnom postupku Radnog dokumenta osoblja Evropske komisije o Izvještaju o napretku Bosne i Hercegovine u 2012. godini.“